

ՈՒԽ նախագահի ժ. պ  Ա. Ղազարյան

ՈՒԽ պատ. քարտուղար  Մ. Հակոբյան

ՇԻՐԱԿԻ ՊԵՏԱԿԱՆ ՀԱՄԱԼՍԱՐԱՆԻ ՈՒՍԱՆՈՂԱԿԱՆ

ԽՈՐՀՐԴԻ ԿԱՆՈՆԱԴՐՈՒԹՅՈՒՆ

(փոփոխություններով և լրացումներով)

1. ԸՆԴՀԱՆՈՒՐ ԴՐՈՒՅԹՆԵՐ

- 1.1 Շիրակի պետական համալսարանի Ուսանողական խորհուրդը(այսուհետ՝ ՇՊՀ ՈՒԽ ՇՊՀ- ում գործող ուսանողական կազմակերպություն է, որը ՇՊՀ ուսանողության ինքնակառավարման, ընտրովի ներկայացուցչական և նրա ընկերային շահերը ներկայացնող ընտրովի մարմինն է:
- 1.2 ՇՊՀ ՈՒԽ-ն ապաքաղաքական և ապակուսակցական կազմակերպություն է:
- 1.3 ՈՒԽ-ն արտահայտում և պաշտպանում է ուսանողության շահերը, նպաստում նրանց կրթական, գիտական, ստեղծագործական, ֆիզիկական,բարոյական և հոգևոր զարգացմանը:
- 1.4 ՇՊՀ ՈՒԽ-ն իր գործունեությունն իրականացնում է ՀՀ Սահմանադրությանը, ՀՀ գործող օրենսդրությանը, ՇՊՀ կանոնադրությանը և սույն կանոնադրությանը համապատասխան: ՇՊՀ ՈՒԽ կանոնադրությունը ընդունվում է ՈՒԽ համագումարի կողմից:
- 1.5 ՇՊՀ ՈՒԽ-ն ունի պաշտոնաթուղթ և իր գործունեությամբ ու նվիրատվությամբ ձեռք բերած ֆինանսական միջոցները տնօրինելու իրավունք՝ ՇՊՀ-ում սահմանված ընթացակարգերի համաձայն:
- 1.6 ՇՊՀ ՈՒԽ-ի լրիվ անվանումն է՝ հայերեն՝ Շիրակի պետական համալսարանի ուսանողական խորհուրդ, ռուսերեն՝ Студенческий совет Ширакского государственного университета, անգլերեն՝ Student Council of the Shirak State University.
- 1.7 ՇՊՀ ՈՒԽ-ի հասցեն է՝ Հայաստանի Հանրապետություն, Ք. Գյումրի, Պարույր Սևակ 4, Շիրակի պետական համալսարան:

2. ՆՊԱՏԱԿՆԵՐԸ ԵՎ ԳՈՐԾՈՒՆԵՈՒԹՅԱՆ ՀԻՄՆԱԿԱՆ ՈՒՂՂՈՒԹՅՈՒՆՆԵՐԸ

- 2.1** ՇՊՀ ՈԻԽ-ի նպատակներն ու խնդիրներն են՝
- ա/ պաշտպանել ուսանողների շահերն ու իրավունքները,
 - բ/ ապահովել ուսանողների մասնակցությունը համալսարանի կառավարմանը,
 - գ/ համալսարանի կյանավարման համապատասխան մարմինների քննարկմանը ներկայացնել ուսանողությանն առնչվող հարցեր,
 - դ/ մասնակցել ուսումնական գործընթացի կազմակերպմանը և ուսուցման արդյունավետության բարձրացմանն ուղղված ծրագրերի մշակմանն ու իրականացմանը,
 - ե/ իրազեկել ուսանողներին իրենց իրավունքների ու պարտականությունների մասին, նպաստել ուսանողների իրավագիտակցության մակարդակի բարձրացմանն և ակտիվ քաղաքացիական կեցվածքի ձևավորմանը,
 - զ/ միավորել համալսարանի ուսանողական կազմակերպությունների, ակումբների և միությունների ջանքերը՝ նպաստելու ուսանողության համար բարենպաստ միջավայրի ձևավորմանը և խթանելու ուսանողների գիտական, կրթական, հոգևոր, մշակութային, ստեղծագործական ու ֆիզիկական զարգացմանը,
 - է/ աջակցել ուսանողների սոցիալական վիճակի բարելավմանը, կազմակերպել ուսանողների ազատ ժամանցն ու հանգիստը,
 - ը/ մասնակցել ՇՊՀ տարածքում ներքին կարգապահության պահպանմանը,
 - թ/ ինչպես նաև լուծել սույն կանոնադրության 2.1 կետում չնշված ուսանողներին հուզող խնդիրները:
- 2.2** ՇՊՀ ՈԻԽ-ն իր գործունեությունը ծավալում է՝ ելնելով նշված նպատակներից ու խնդիրներից: Այն համագործակցում է ՀՀ-ում և արտերկրում գործող բուհական, ուսանողական, երիտասարդական և այլ կազմակերպությունների, ինչպես նաև մասնավոր անձանց հետ՝ փոխհարաբերությունները կառուցելով պայմանագրային և համագործակցության ու փոխշահավետության հիմունքներով:
- 2.3** ՈԻԽ-ն սահմանված կարգով կարող է իրականացնել հրատարակչական գործունեություն:

3. ՈՒՍԱՆՈՂԱԿԱՆ ԽՈՐՀՐԴԻ ՀԱՄԱԳՈՒՄԱՐԸ

- 3.1** ՇՊՀ ՈԻԽ բարձրագույն մարմինը ՈԻԽ Համագումարն է: Համագումարին լիիրավ ձայնի իրավունքով մասնակցում են ֆակուլտետների պատվիրակները, ֆակուլտետային ուսանողական խորհուրդների նախագահները, ՇՊՀ Ուսանողական գիտական ընկերության մեկ լիազորված ներկայացուցիչ:
- 3.2** Համագումարի պատվիրակների կազմը համալրվում է երկու տարին մեկ անգամ, կազմակերպվող Ֆակուլտետների պատվիրակների ուղղակի ընտրության միջոցով: Պատվիրակներն ընտրվում են ֆակուլտետների յուրաքանչյուր կուրսից(հոսքից)՝ ըստ համամասնության՝ 25 ուսանողից մեկ պատվիրակ:
- 3.3** Ընտրություններին մասնակցում են բակալավրիատի և մագիստրատուրայի բոլոր կուրսերը: Բակալավրիատի 1-ին կուրսում ընտրությունները կարող են անցկացվել միայն 1-ին կուրսի 2-րդ կիսամյակում:
- 3.4** Պատվիրակ կարող են դառնալ այն ուսանողները, որոնք վերջին երկու կիսամյակում ապահովել են ՄՈԳ-ի 65 տոկոսը, իսկ առաջին կուրսի դեպքում դիտարկվում են միայն մեկ կիսամյակի արդյունքները:

- 3.5 Ընտրությունը կատարվում է ըստ կուրսերի (հոսքերի)՝ ուսանողական ժողովներում: Ժողովը իրավագոր է, եթե ներկա են ուսանողների կեսից ավելին: Ընտրությունը կատարվում է բաց քվեարկությամբ, եթե ներկաների ձայների թվի պարզ մեծամասնությամբ այդ մասին այլ որոշում չի կայացվում: Եթե երկու անգամ հրավիրված ժողովին չի մասնակցում ուսանողների կեսից ավելին, ապա ընտրական հանձնաժողովը կարող է որոշում ընդունել և ընտրությունները կազմակերպել ներկա ուսանողների մասնակցությամբ: Ընտրված է համարվում առավելագույն ձայներ հավաքած թեկնածուն:
- 3.6 ՈՒԽ Համագումարը հրավիրվում է առնվազն երեք տարին մեկ անգամ՝ ՈՒԽ նախագահության կողմից: Անհրաժեշտության դեպքում ՈՒԽ նախագահությունը կարող է հրավիրել արտահերթ համագումար: Արտահերթ Համագումար կարող է գումարվել նաև Համագումարի պատվիրակների 1/2-ի պահանջով:
- 3.7 Համագումարը՝
ա/ ընդունում է ՈՒԽ-ի կանոնադրությունը, փոփոխություններ և լրացումներ կատարում նրանում,
բ/ լսում և հաստատում է ՈՒԽ նախագահության տարեկան հաշվետվությունը,
գ/ քննարկում և սահմանում է ՈՒԽ-ի տարեկան հաշվետվությունը, ուղղությունները և առաջիկա տարվա ծրագրային առաջնայնությունները,
դ/ որոշում է կայացնում ՈՒԽ-ի վերակազմավորման վերաբերյալ,
ե/ հաստատում է նախագահության կազմը (բաց քվեարկությամբ)
- 3.8 Համագումարը իրավագոր է, եթե ներկա են պատվիրակների ընդհանուր թվի կեսից ավելին: Սույն կետի ա/ և դ/ ենթակետերով սահմանված հարցերը քննարկելիս որոշումներն ընդունվում են Համագումարի պատվիրակների ներկաների թվի 2/3-ի կողմ քվեարկելու դեպքում, իսկ մյուս հարցերը՝ ներկաների ձայների պարզ մեծամասնությամբ:

4. ՈՒՍԱՆՈՂԱԿԱՆ ԽՈՐՀՐԴԻ ՆԱԽԱԳԱՀՈՒԹՅՈՒՆԸ

- 4.1 Համագումարների միջև ընկած ժամանակաշրջանում ՈԻԽ աշխատանքները ղեկավարում է ՇՊՀ ՈԻԽ նախագահությունը:
- 4.2 ՈԻԽ նախագահության անդամներն են՝ նախագահը, երկու փոխնախագահները, քարտուղարը և ֆակուլտետային խորհրդի նախագահները:
- 4.3 ՈԻԽ նախագահությունը իր կազմից երկու տարի ժամկետով ընտրում է ՈԻԽ նախագահ, նախագահի տեղակալ(ներ), պատասխանատու քարտուղար, հանձնաժողովների նախագահներ:
- 4.4 ՈԻԽ նախագահությունը կազմակերպում և ընտրում է համալսարանի հոգաբարձուների խորհրդի և գիտական խորհրդի ուսանող անդամների կազմը և արդյունքներն ուղարկում հաստատման վերադաս մարմին:
- 4.5 ՈԻԽ նախագահության լիազորությունների ժամկետը երկու տարի է:
- 4.6 ՈԻԽ նախագահ չի կարող առաջադրվել ՀՀ որևէ քաղաքական կուսակցությանը անդամակցող թեկնածու:
- 4.7 ՈԻԽ նախագահի ընտրությունը կատարվում է փակ, գաղտնի քվեարկությամբ (եթե չի եղել այլ առաջարկ): Նախագահի տեղակալի, պատասխանատու քարտուղարի, հանձնաժողովների նախագահների ընտրությունը կատարվում է բաց քվեարկությամբ, եթե այդ մասին այլ որոշում նախագահության կողմից չի կայացվում:
- 4.8 Ընտրված է համարվում այն թեկնածուն, ում օգտին քվեարկում են ներկաների կեսից ավելին: Անհրաժեշտ թվով ձայներ չհավաքելու դեպքում առավելագույն ձայներ հավաքած երկու թեկնածուները անցնում են երկրորդ փուլ: Երկրորդ փուլում ընտրվում է այն թեկնածուն, ում օգտին քվեարկում է ներկաների պարզ մեծամասնությունը:
- 4.9 ՈԻԽ նախագահության անդամների կեսից ավելիի փոփոխության պարագայում կազմակերպվում է ՈԻԽ նախագահի նոր ընտրություն:
- 4.10 Նախագահի տեղակալների, պատասխանատու քարտուղարի, հանձնաժողովների նախագահների թեկնածությունները առաջադրվում են նախագահության անդամների կազմից: Եթե նախագահության անդամներից հանձնաժողովի նախագահ չի առաջադրվում կամ չի ընտրվում, ապա նախագահության որոշմամբ հանձնաժողովի նախագահ կարող է ընտրվել ՈԻԽ համագումարի պատվիրակ կամ ֆակուլտետային ՈԻԽ անդամ հանդիսացող ուսանող, որը ՈԻԽ նախագահության նիստին մասնակցում է խորհրդակցական ձայնի իրավունքով: Ընտրված է համարվում այն թեկնածուն, ում օգտին քվեարկում է ներկաների կեսից ավելին: Անհրաժեշտ թվով ձայներ չհավաքելու դեպքում առավելագույն ձայներ հավաքած երկու թեկնածուները անցնում են երկրորդ փուլ: Երկրորդ փուլում ընտրված է համարվում առավելագույն ձայներ հավաքած թեկնածուն:
- 4.11 ՇՊՀ ՈԻԽ նախագահը, ով հանդիսանում է նաև ՇՊՀ ՈԻԽ նախագահության նախագահ, ներկայացնում է ՈԻԽ-ն ՇՊՀ Գիտական խորհրդում և համալսարանական այլ մարմիններում և կառույցներում, ՈԻԽ համագումարում հանդես է գալիս Ուսանողական խորհրդի գործունեության մասին հաշվետվությամբ: Նա ներկայացնում է ՇՊՀ ՈԻԽ-ն և ուսանողությանը ՀՀ և արտերկրի բոլոր պետական և ոչ պետական մարմիններում, մասնավոր անձանց մոտ, տալիս է լիազորագրեր՝ գործելով սույն կանոնադրությամբ ՈԻԽ-ին վերապահված հարցերի շրջանակներում:

4. 12 Սահմանված ժամկետը լրանալու կամ ՇՊՀ-ում ուսումն ավարտելու դեպքում, բացառությամբ ուսումը ասպիրանտուրայում շարունակելու դեպքից, ՇՊՀ ՈւՄ նախագահը վայր է դնում իր լիազորությունները: Այս դեպքում հայտարարվում են ՈւՄ նախագահի նոր ընտրություններ:
4. 13 ՇՊՀ ՈւՄ նախագահի տեղակալը նախագահի բացակայության ժամանակ վերջինիս լիազորմամբ ողջ ծավալով կատարում է նախագահի պարտականությունները:
4. 14 Պատասխանատու քարտուղարը ղեկավարում է քարտուղարության աշխատանքները, վարում համապատասխան արձանագրությունները:
4. 15 ՈւՄ նախագահությունը՝
- ա/ միջոցներ է ձեռնարկում ՈւՄ Համագումարի որոշումներն իրականացնելու համար,
 - բ/ Հաստատում է ՈւՄ նախագահության, քարտուղարության հանձնաժողովների և ֆակուլտետային ՈւՄ-ների աշխատակարգերը,
 - գ/ վավերացնում է ՈւՄ նախագահի կողմից կնքած պայմանագրերն ու համաձայնագրերը,
 - դ/ հանձնաժողովներում և ֆակուլտետների ՈւՄ-ներում կատարվող աշխատանքների մասին լսում է զեկուցումներ,
 - ե/ կանոնակարգում է ՇՊՀ և ֆակուլտետների կառավարման (կոլեգիալ) բոլոր մարմիններում տարբեր մակարդակների ՈւՄ-ների կողմից սովորողների (ուսանողներ, ասպիրանտներ) առաջադրման և ընտրության գործընթացը (ՀՀ օրենսդրությամբ և ՇՊՀ կանոնադրությամբ չկարգավորվող հարցերը) և ընտրում է ՇՊՀ կառավարման և այլ մարմիններում սովորող անդամներին, ինչպես նաև որոշումներ է ընդունում կառավարման տարբեր մարմիններում ուսանողների ներկայացուցիչներին առընչվող այլ հարցերի վերաբերյալ,
 - զ/ կարող է անվստահություն հայտնել ՈւՄ նախագահին, նախագահության անդամներին և ֆակուլտետների նախագահներին,
 - է/ կարող է լսել և լուծել ՈւՄ իրավասությանը վերաբերող ցանկացած հարց, բացառությամբ Համագումարի իրավասությանը վերապահվածներին:
4. 16 Ուսանողական խորհրդի նախագահությունում գործում են իրավական, արտաքին կապերի, գիտակրթական, ֆինանսատնտեսական, մշակույթի, սոցիալական, սպորտի և ռազմահայրենասիրական ծրագրերի հանձնաժողովներ: Անհրաժեշտության դեպքում կարող են ստեղծվել ժամանակավոր հանձնաժողովներ:
4. 17 ՇՊՀ ՈւՄ նախագահությունը նիստեր է գումարում առնվազն երեք ամիսը մեկ անգամ:

5. ՖԱԿՈՒԼՏԵՏԻ ՈւՍԱՆՈՂԱԿԱՆ ԽՈՐՀՈՒՐԴԸ

5. 1 Ֆակուլտետի ուսանողության ներկայացուցչական, ինքնակառավարման և նրա ընկերային շահերը ներկայացնող մարմինը ֆակուլտետի Ուսանողական խորհուրդն է, որն ընտրվում է երկու տարի ժամկետով (բանակ գորակոչված, երկարաժամկետ (1 կիսամյակից ավել) փոխանակման ծրագրերով արտերկրում կամ ակադեմիական արձակուրդում գտնվող ֆակուլտետի ՈւՄ անդամների փոխարեն կատարվում է ՈւՄ անդամների համալրում):
5. 2 Ֆակուլտետի Ուսանողական խորհուրդը ձևավորվում է ուղղակի ընտրության միջոցով: Ֆակուլտետի ՈւՄ յուրաքանչյուր կուրսից ընտրվող անդամների թիվը որոշվում է ըստ համամասնության՝ մինչև 100 ուսանողից մեկ ներկայացուցիչ: Մինչև 500 ուսանող ունեցող ֆակուլտետի Ուսանողական խորհրդի անդամների թիվը 5 է:
5. 3 Ընտրությունը կատարվում է ըստ կուրսերի (հոսքերի)՝ ուսանողական ժողովներում: Ընտրությունը համարվում է կայացած, եթե ներկա են ուսանողների ընդհանուր թվի կեսից ավելին: Եթե երկու անգամ հրավիրված ժողովին չի մասնակցում ուսանողների կեսից ավելին, ապա ընտրական հանձնաժողովը կարող է որոշում ընդունել և ընտրությունները կազմակերպել ներկա ուսանողների մասնակցությամբ: Ընտրությունը կատարվում է բաց քվեարկությամբ, եթե ներկաների ձայների պարզ մեծամասնությամբ այդ մասին այլ որոշում չի կայացվում: Ընտրված է համարվում առավելագույն ձայներ հավաքած թեկնածուն:
5. 4 Ֆակուլտետի ՈւՄ անդամներ կարող են ընտրվել միայն այն ուսանողները, որոնք վերջին երկու կիսամյակում ապահովել են ՄՈԳ-ի 65 տոկոսը: Առաջին կուրսի դեպքում դիտարկվում են միայն մեկ կիսամյակի արդյունքները:
5. 5 Ֆակուլտետի ՈւՄ-ն փակ, գաղտնի քվեարկությամբ իր կազմից ընտրում է ֆակուլտետի ՈւՄ նախագահ, քարտուղար, ովքեր հաշվետու են ֆակուլտետի ՈւՄ-ին և ՇՊՀ ՈւՄ նախագահությանը:
5. 6 Ֆակուլտետի ՈւՄ նախագահի ժամանակավոր պաշտոնակատար է նշանակում ՈւՄ նախագահությունը եթե ֆակուլտետի ՈւՄ նախագահը ավարտել է իր ուսումնառությունը, կամ վայր դրել իր լիազորությունները:
5. 7 Ֆակուլտետային ՈւՄ նախագահը և քարտուղարը վայր են դնում իրենց լիազորությունները ֆակուլտետային ՈւՄ կամ ՇՊՀ ՈւՄ նախագահության որոշմամբ:
5. 8 Ֆակուլտետի ՈւՄ-ն նիստ է գումարում առնվազն ամիսը մեկ անգամ. արտահերթ նիստ գումարվում է ֆակուլտետի ՈւՄ նախագահի, ՈւՄ անդամների 1/2-ի պահանջով կամ ՇՊՀ ՈւՄ նախագահության որոշմամբ: Նիստն իրավագոր է, եթե նրան մասնակցում են ֆակուլտետային ՈւՄ անդամների կեսից ավելին, որոշումներն ընդունվում են ներկաների թվի ձայների պարզ մեծամասնությամբ:
5. 9 Ֆակուլտետի ՈւՄ-ն կազմակերպում է ֆակուլտետի ՈւՄ-ի աշխատանքները՝ համալսարանի ՈւՄ-ի նպատակներին և գործունեության հիմնադրույթներին համապատասխան: Ֆակուլտետի ՈւՄ նախագահը ի պաշտոնե ներկայացնում է ֆակուլտետի ուսանողությանը համալսարանական տարբեր կառույցներում և օղակներում:

5. 10 Սույն Կանոնադրությամբ չնախատեսված դեպքերում ֆակուլտետի ՈւԽ-ն գործում է ՇՊՀ ՈւԽ նախագահության որոշումների համաձայն:

6. ՖԻՆԱՆՍԱԿԱՆ ՄԻՋՈՑՆԵՐԸ

- 6.1 Ուսանողական խորհրդի ֆինանսական միջոցները գոյանում են ՇՊՀ հատկացումներից, հանգանակություններից, նվիրատվություններից և ՇՊՀ կանոնադրությանը, սույն կանոնադրությանը չհակասող և ՀՀ օրենսդրությամբ չարգելված այլ աղբյուրներից:

7. ՈւԽ ՎԵՐԱԿԱԶՄԱՎՈՐՈՒՄԸ

7. 1 ՇՊՀ ՈւԽ-ն վերակազմավորվում է ՇՊՀ ՈւԽ Համագումարի անդամների 2/3-ի որոշմամբ: